

Ci hè quassù

Sopra à u lagu di Lancone
Ci hè muvrella, ci hè muvrella
Chi pasce indù l'arbicella
Vicinu à mente è criscione
Sopra à u lagu di Lancone.

Sopra à u lagu di Lancone
Naviga la mio muntagna
E lu sole l'accumpagna
Induve l'acula si pone.
Induve l'acula si pone.

**Ci hè quassù la mio muntagna
Un bellu lagu dinù
E lu sole ci si bagna da quassù...
Ci hè quassù la mio muntagna
U mio lagu ci hè dinù
E lu sole ci si bagna da quassù, da quassù...**

In una grotta luminosa
Ci canta la mio surghjente
Chi mi richjara la mente
Mi cunsola è mi riposa
In una grotta luminosa.

Indù sta grotta luminosa
Ci stò bè fin'ch'ella dura
Ma quaghjò ci hè la pianura
Sempre in brama di qualcosa.
Sempre in brama di qualcosa.

**Ci hè quassù la mio muntagna
Un bellu lagu dinù
E lu sole ci si bagna da quassù...
Ci hè quassù la mio muntagna
U mio lagu ci hè dinù**

E lu sole ci si bagna da quassù, da quassù...

Esse.